

INUIT ATAQATIGIIT INATSISARTUNI



UPA26/89

04.06.2026

Kristian Jeremiassen

Illorsuarmit nuutsitaasimanerinit pissutsit pillugit, najugaqartuusimasut pineqartut inatsisitigut isumannaatsumik pineqarsimanerisa qulakkeerneqarnissaa siunertaralugu, arlaannaanulluunniit attuumassuteqanngitsumik misissuisoqarnissaanut Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuititsineq 2027-mi upernaakkut tamanut ammasumik saqqummiunneqareersimassaaq.

(Inatsisartunut ilaasortaq Aki-Matilda Høegh-Dam, Naleraq)

Siullermeerinnineq

Kikkut sumi najungaqartussaananerit illoqarfinni nunaqarfinni aaliangersinnaasariaqarpaat innuttaasut namminneq, nunatta isorartuup paarineqarnissaa innuttaminit pingaaruteqartuusoq Inuit Ataqatigiit isumaqarpugut. Nunap paarineqarnera amma innuttaminit pissusissamisoorpoq inuillu sumi najungaqarnissaminnik kiffaanngissuseqarnerat illersortuartariaqarpoq. G-60-imi inuit nutsertinneqartut tarnikkut inuunermilu artorsarnerat inuiaqatingiinni sakkortuumik misingisimavarput sulilu misingisarlungu nuna najungartik maqaasisarmassuk angerlarserfingalungulu.

Nunaqarfinni illoqarfinni isorliunerusut innuttaasui illoqarfinnut nutserput periarfissanginnerusunut aamma ilinniangaqarneq tamatumani pissutaavoq aammalu pittaannerusumik illoqarfinni anginerusuni najungaqartoqarusuppoq

INUIT ATAQATIGIIT INATSISARTUNI



tamannalu taamaattussaannartut isiginagu inoqarfiit mikinerusut tassa nunaqarfiit illoqarfiillu taakkua politik-kkut isinginiarneqaannaratik peqataatinneqarnissaat Inuit Ataqatigiit pingaartipparput.

Ilumut akuersaarneqarsinnaangilaq nunaqarfinnik illoqarfinnik matusinerit aamma aqutissiuunneqassanngilluinnartut Inuit Ataqatigiit oqaatingerusupparput ersarissumik. Uterpara nunaqarfinnik illoqarfinnik matusinerit inuerusaanerilluunniit akuerinngilangut Inuit Ataqatigiinni, aamma maani partiit Inatsisartuni ilaasortaatitaqartut takusimanngilangut inuerusaaniartunik oqariartortunik siunertaqartunilluunniit, inuusaaserput nunatsinnut tulluarsarsimavarput avannaaniikkutta kujataaniikkutta tunumiikkuttaluunniit tamatta assingiinngitsunik kinaassuseqarfingivarput sumiorpaluuteqarfingalungulu tamannalu Kalaallip inuuneranik ersertitsisut ilangingaat Inuit Ataqatigiit oqaatingissavarput.

Inuit Ataqatigiit oqaatingissavarput illersorneqarsinnaasumik isumannaattumik innuttaasut najungaqarnissaat pisussaaffingivarput navianartorsiortinnangit innuttaasut, tamanna pingaarnepaasariaqarpoq assortorneqarsinnaangittoq pingaartinneqartuartariaqartorlu. Isumaqarutta innuttaasut ulorianartorsiortut taava inuit suliassamik ilisimannittut sulisariaqarput.

Juni-mi 2017 pisimasoq Kalaallinik inuiannik tamanik eqquisoq eqqaamavarput pisoq alianartooq tamatta eqqaamasarput qaqqap sisoorneranik malerujussuit pinngortitap nukii akior-sinnaangisangut nalaappangut tamannalu

INUIT ATAQATIGIIT INATSISARTUNI



Nuungaatsimi Illorsuarni Uumman-nallu sulluani ernumanermik pilersitsisoq aammalu misissuisoqarnerata kingorna qaqqamik sisoortoqarsinnaanera ilisimatuut ernumanar-tussaqaartippaat, tamannalu soorunami innuttaasut illersorneqarnissaanik upalungaarsimanermut ataatsimiititaliaq misissuilluarsimasoq Inuit Ataqatigiit isumaqarpugut. **Pissutsilli allangorsimappata isumaliutissaqarpugut Illorsuarnut tunngasumik ammaqqinneqassappat.**

Inuit Ataqatigiit ersarissarusupparput siunnersuuteqartumut imatut paasineqassanngilaq illoqarfinnik nunaqarfinnik isorliunerusuniittunut tapersersuinngittunut, taamaaqqajanngilaq inuup inuunera uani pineqarpoq. **Siunissami nalilersuinerit nutaat saqqummiunneqarpata Illorsuit ammaqqinneqassanersoq ilisimasallit peqatigalugit amnavugut.**

Naatsumik oqaatingalungu siunnersuut itingartipparput imaanngilaq inuerusaaniaratta akisussaassuseqaratta taamatut Inuit Ataqatigiit isummerpungut.